

## 《望色启微》自序

慨自书之兴也有运，书之衰也有劫，何以故？上古典谟，遭秦火而殆尽，至汉绛帐传经，迄今以为美谈。况三坟在唐虞之前者乎？至扁鹊起，而仓公、华佗诸公，递相授受，而后彰显。其文类多汉时语。自后学者多习汤液之术，置《灵》、《素》二书，深微莫究。至唐太仆令王冰，始释《素问》，后发明者不一家，独《灵枢》九卷，宋元以前，无有注者。及明太医玄台马君为之解释，五千余年未明之书，一旦豁然，实希有之事也。奈为读者珍藏，未易得见。甲申、乙酉间，际沧桑之变，避兵于赤松子采药处，案头惟有《灵枢》原文一部，取而读之。至《五色篇》，心入其奥，忘食废寝，胸中如有未了事。状若是者一年，揣莫始成。释其文，绘其图，犹恐千虑一失，藏而不露。后复取希夷《风鉴》诸书，阅其部分，较之《灵枢》，若合符节。予喟然叹曰，书之宜明也，亦有运乎？更将《灵》、《素》望色之旨，反覆细释。一句、二句，阐化一章。日之、月之，积而成集。其间增删校改，殆经七易。欲商同志，不克就梓，置之匮中久矣。辛亥秋，吾友日生柳子，见而喜甚，参酌尽善，分为三册。付之镌者，以公天下。呜呼！此书之成也，参之则虚空欲碎，书之则铁砚将穿。非遇沧桑之劫，宁有暇至此乎？劫乎？亦运乎？若因劫以为运，吾亦不知其为解矣。

# 序

语云：儒者作医，如菜作齏。惟读书，故能明理；惟明理，故察形观色，表里虚实，无不洞然，即可起扁鹊、仓公，而与之颉颃焉。吾族皆习儒，吴会人皆知之，而仲芳侄独以儒医著。盖其少学孔孟，博通诸子百家。及长而济人心切，就业岐黄，则医也，而仍儒也。年来医名远噪，诊视之下，不啻黍谷回春。汇集《说约》一书，言垂久远，岂特吴会人知之，即四方之人俱知之矣。顾祖宗之积功累行，实有由来，未可泯也。仲芳与予同出曾祖佩弦公，企江先叔祖即曾祖第三子，素仁厚，喜行阴德。族戚乡里，乐观丰采，有“三老佛”之称。生二子，长曰变寰，蜚声黉序，好善不息，为宗党望，有丈夫子二，予先兄君辅公居其长，性慈，谨游吴痒，为蓼洲周忠介公门人。忠介公以兄之子妻之。闭门读书，道义自许，所著有《太乙书》、《四书注解》、《山居闲集》，惜尚未刊行为恨。有子二人，仲芳侄即次子也。家声勿坠，世守箕裘。母党忠孝，熏习有素，故能以上池术自利利人。今取医意之独得者，商之同志，公之天下，其济人心，非自读书明理中来乎？与予出自同祖，情胜于适，故述其积累所由来，不敢赘陈一泛辞也。此固吴会人知之，尤愿四方之人共知之尔，是为序。

时康熙五年孟冬上浣愚叔埴旷生题于交勉堂

## 凡例

是集也，采《灵》、《素》之经文，参百家之奥说，始于甲申，成于辛亥。其间考订正确，斟酌尽善，稿经七易，盖五千余年未明之法，因此复行。承前启后，干系匪轻，诚非易易也。

一首卷经文有注，部分有图。色部变通者，总以提纲；吉凶难定者，明注五色。各部主病细陈，脏腑安危自定。熟读会通，登高有自。

一二卷诸论，俱秘密藏也。仰承先圣之旨，下究后贤之论，静悟神通，会归成集。虽五色之变不可胜视，至此亦无遁形矣。再佐之以察五官，望颧颊，审肢节，其吉凶生死有不前知者乎？

一三卷俱系《灵》、《素》原文，所增者惟注释总断耳。习之者不惟病之浅深，生之寿夭，脏腑之大小成败，如洞观烛照，而老少、肥瘦、勇怯，及君子、小人之形状，无不毕陈。良医固藉之为神明之筏，而良相亦有助于知人之哲也。

一望为闻、问、切之首，神居圣工巧之上。盖望色者，医学入门之急务，审病之要首也。今人惟工脉法，弃此弗讲，奚能拔萃？熟玩细思，不啻如上池水见垣内照，当从此出矣。

一人之经脉，隐于肤中，智者惟赖三指之巧，诊之无不如见。今气色现于肤上者也，现于肤上，一望了然，有心人岂反不能及此乎？吾未之信也。

一《风鉴》出自希夷，相此部分气色，预谈祸福，人共宗之，以为趋避。今发明岐黄之旨，先察病机，或加之治疗，或因之调摄，病者可瘳，夭者可寿，其为趋避更何如耶？吾知智

者必怀是集如怀宝也。

一医学治病固难，而察病尤难。故是集谆谆于察病法也。是集之不言治，犹《脉诀》之不载方，盖既明其病之虚实浅深，为治奚难？况有先哲之书充栋，前刻之《说约》可究也，高明其亮诸。

查看完整版

付费下载



---

## 【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





## 【风水】风水命理资料合集\_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



## 【中医】中华传统医学资料大全\_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



## 【道术】道家法术\茅山术\符咒术\气术\_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



## 【武术】传统武术与现代搏击术\_6200 册

少林、武当、太极拳、形意拳、八极拳、咏春拳、气功、散打、格斗、拳击、...



## **【集藏】经史子集库\_13300 卷**

【经史子集】楚辞、汉赋、诗集、词集、宝卷、正史、编年、别史、纪事本末、地理志...



## **【国画】传世名画 \_ 6100 卷**

唐、金、辽、宋、元、明、清 800 多位画家近 6000 多幅传世...



## **【县志】方志\地方县志\乡志\地理志\_8100 册**

府志、区志、乡志、地理志..... 此合集为全国范围地方县志\府志古籍影印电子版，...



## **【国学】中华古籍库—32 万册古籍书**

32 万册《中华古籍库》【32 万册影印古籍 + 20 多亿字，带检索器和阅读工具】包括各地方志、日本内...

**【更多】** >> <https://www.fozhu920.com/list/>